




O LE FAATUATUA E TETEE ATU AI I FAIGATĀ UMA

Lesona 5, Me 4, 2024


“Ua ou teu i lo’u loto Lau afioga, ina ne’i
ou agasala ia te Oe.”
(Salamo 119:11)



I le 16th seneturi, na amata ai ona susulu malamalama ai le galuega i le 200 tausaga ua mavae e le alii o Uikilifi, “o ia o le fetu pupula o le Toefuata’ina” na matagofie le oo mai o lea toe fuata’ina.

O lenei toe fuata’ina na faavaeina i ni manatu faavae se lima:

- ★ 1. *Sola Scriptura* (Ua na’o tusitusiga paia)
- ★ 2. *Sola gratia* (Ua na’o le alofa tunoa)
- ★ 3. *Sola fide* (Ua na’o le faatuatua)
- ★ 4. *Solus Christus* (Ua na’o Keriso)
- ★ 5. *Soli Deo gloria* (Ua na’o le Atua e ave i ai le viiga)



O le faavae o le faatuatua:

- *O tusitusiga paia ma le Atua o viiga*
- E avanoa le Tusi Paia mo tagata uma
- O le Faamatalaupu o le Tusi Paia



O le faavae o le faaolataga:

- *Alofa tunoa /faatuatua /Keriso.*
- O le tuputupua’e i le alofa tunoa



**O LE FAAVAE O LE
FAATUATUA**

O TUSITUSIGA PAIA / O LE ATUA O VIIGA

“Na maua Au afioga, ona ou 'ai ai lea; sa ia te a'u Lau afioga e fai ma mea e olioli ai ma fiafia ai lo'u loto; auā ua ta'ua a'u i Lou suafa, Ieova e, le Atua o 'Au” (Jeremia 15:16)

O le au toe fuata'ina i le 16th seneturi na faia se suiga moni lava i le lalolagi. Ae sa latou faamanino mai e leai lava se mea e ese mai ai i latou poo se mea faapitoa e uiga i a'i latou. Oi latou o ni tagata na liua e le Atua. Ona o lenei mafuaaga, na latou ta'utino atu ai: “Ia na'o i le Atua lava le viiga.”

Na faapefea ona faatinoina lenei suiga i a'i latou? O le faitauina o le Afioga a le Atua na faatinoina ai lenei lava vavega. Faitau le Tusi Paia ma tatalo i aso uma.

O le a se mea na faia e le Tusi Paia mo i latou nei, a'o le a foi se mea e mafai foi ona faia mo i tatou?

O le faavae lea o le faatuatua

O le talitonu i Ana folafolaga e faafouina ai lo latou faatuatua ma le lototetele

O ona lau e faapei o fua o le laau o le ola

Faasusulu atu le olioli, o le faamoemoe, ma le malamalama

E aumaia le faasinomaga, mautinoaga, o le malosi ma le poto

E ola ai o tatou tagata i le tino, o le mafaufau, o lagona ma le agaga

I taimi ia o le pogisa, sa faamalieina ai e le Tusi Paia o latou olaga ua oo ai i le tulaga o le ofoina atu lea o latou ola ina ia tutumau ma le faamaoni i ana aoaoga. E le o faamalieina ea foi lou olaga i Ana afioga i ona aso nei?




UA AVANOA LE TUSI PAIA MO TAGATA UMA

“A ua tupu le afioga a le Atua ma ua faateleina” (Galuega 12:24)



Na taumafai Tinitali (1494-1536) e faasa'osa'o ni mea sesē o le Tusi Paia ma tusia e Uikilifi (na faaliliuina mai i le gagana Latina), ma faia se faaliliuga tuusa'o mai ulua'i gagana sa i ai. Na ia lomina ma faaliliuina le Feagaiga Fou mai le gagana Eleni.

Na faauau ma faatoatoaina e Miles Coverdale le galuega a Tinitali i le faaliliuina o le Feagaiga Tuai mai le gagana tuusa'o faa-Eperu. E faapea, i le 1535, na lomina ai le ulua'i Tusi Paia i le gagana Peretania.




O lenei lomiga na avea ma faavae mo le faaliliuga sa sili ona taatele ma faaogaina e le au failauga o le Tusi Paia i le gagana Peretania: o le lomiga lea o le *King James*, na lomina i le 1611. O le galuega a Tinitali, Coverdale, ma nisi tagata atamamai o e na tapenaina le lomiga o le KJV, sa aafia ai le faitau miliona o tagata, ma aumaia ai i latou i le malamalama o le Atua.

O le mea e ofo ai, o se tagata na te lei talia faaaliali lea Toe Fuata'ina o se fesoasoani tāua tele lea i nei faaliliuga: O Erasmus o Rotterdam, na ia lomina le Feagaiga Fou i le gagana Eleni i lea taimi (o lea auunaga na avea o se faavae mo faaliliuga uma a le au Toefuata'ina).




UA AVANOA LE TUSI PAIA MO TAGATA UMA


A'o saunia ma lomia le Tusi Paia i le gagana Peretania, na faailiu e isi foi o le au toe fuata'ina le Tusi Paia i la latou lava gagana. I lenei auala, na mafai ai ona faitau tuusa'o mai e tagata nuu o Europa le Tusi Paia, ma le mea fou ua maua o le "Lalolagi Fou".



**Matíni Luteru
Siamani (1534)**



**Piea Ropati
Olivétone
Farani (1535)**




**Brest Bible
Holani (1563)**




**Casiodoro de Reina
Sipaniolo (1569)**




**Kralice Bible
Czech (1579)**



**Jonas Bretkunas
Lithuanian (1579)**



**Jurij Dalmatin
Solevia (1584)**




**Iovani Diodati
Italia (1607)**



**João Ferreira de Almeida
Potukale (1691)**

O LE FAAMATALAUPU O LE TUSI PAIA

"Ia mua'i iloa lenei mea, ua leai se valoaga oi le Tusi e faamatalafuaina." (2Peteru 1:20)



Na liua le olaga o Matini Luteru i le ulua'i taimi na ia faitauina ai le Tusi Paia i le gagana Latina.

A'o ia susu'eina ona itulau, sa ia iloa le maualuga o le mana o loo faamalamalamaina upu uma i lona mafaufau. Sa avea o se Talalelei e ola ma aogā. Ua mou atu ni tu ma aga pogisa masani, a ua totogo a'e le alofa tunoa o Keriso. O le a le mana lea na faamalamalamaina lona mafaufau?

O le Agaga Paia, ua na o le pau lea o le faamatalaupu moni o le Tusi Paia, Na te faailoa mai upu moni uma o loo i ai. Ma o le Agaga Paia lava lea e tasi o loo tuuina mai i a'i tatou ina ia mafai ai foi ona tatou malamalama i ai! (Ioane 14:26; 16:13).

Talu mai lea taimi, sa manino mai lava e le mafai ona autasi tu ma aga o loo a'oa'oina e le ekalesia aloa'ia ma upu moni o loo i le Tusi Paia. E na o le pau lea o le tulafono o le faatuatua ma le amio o loo i le Tusi Paia, ma ua faaalua mai i a'i tatou e le Agaga Paia.



“O le a leai se aoga o le tala’iga o le upu pe a aunoa le faatasi mai ma le fesoasoani a le Agaga Paia. Ua na o le pau lenei o le faia’oga mautinoa o upu moni faale-lagi. Vagana ua ulufia le upu moni i le loto e ala i le Agaga, ona faato'a vave lea ona liua le lotofuatiaifo i le olaga. Atonu e mafai e se tasi ona tuuina atu se mata'itusi o le afioga a le Atua, atonu foi e masani o ia i ana poloa'iga ma folafolaga uma; ae se'i vagana ua tuuina atu e le Agaga Paia le upu moni, o le a leai ni agaga e paūu atu i luga o le Papa ma nutimomoia”

EGW (The Desire of Ages, pg. 671)



**O LE FAAVAE O LE
FAAOLATAGA**

O LE ALOFA TUNOA /O LE FAATUATUA /MA ERISO

“Aua o le alofa tunoa ua faaolaina ai outou i le faatuatua;—e le mai ia te outou foi lea, a’o le mea ua foaiina mai e le Atua—” (Efeso 2:8)

E tolu ni upumoni faavae o faaaliamai i le Efeso 2:8


- 1 Ua na’o le **alofa tunoa** e faaolaina ai i tatou
- 2 O le auala e maua ai le alofa tunoa ua na’o le **faatuatua** lea
- 3 O le meaalofa leni a le Atua, o meaalofa a Lona Alo lea o: **Keriso**

Ona o a tatou agasala, ua faasalaina ai i tatou i le oti e faavavau (Roma 6:23a). Peita’i, ua saunia e le Atua le auala e totogiina ai a tatou aitalafu ma tuuina mai i a’i tatou le ola e faavavau (Roma 6:23b)

Aisea tatou te manaomia ai le Atua e totogi a tatou aitalafu? Ona e le mafai lava ona tatou totogiina i soo se auala lava (Salamo 49:8; Efeso 2:9).

Ina ua iloa e Matini Luteru ua na’o Keriso le puna o lona faaolataga, o lea na amata ai loa ona ia talaiina le upu moni. O le faitau afe, o e na saisaitia i filifili ona o faiga taufaasese a le fili, na liua ma faasa’oloto

E ui lava o le faaolataga e maua fua, a’o lona tau e le , ma gata mai, ua lava lea mo tagata uma (Ioane 3:16; Roma 8:32).



TUPUTUPUA'E I LE ALOFA TUNOA

"A ia tutupu outou i le alofa tunoa ma le poto i lo tatou Alii o lo tatou Faaola lea o Iesu Keriso. Ia iā te Ia le viiga i ona po nei, ma ia oo i le faavavau lava! Amene" (2Peteru 3:18)



I le taimi o le auga Tupulaga Feololo, sa mafaufau tagata e uiga i le mauaina o lo latou faaolataga (ma o latou tuaā) e ala i sauniga o misisā, o povi po'a, faamanu'alia, poo tagata malaga...



O nei mea uma na avea ma mafatiaga. E le taitai ona lava. Se'ia oo ina ua latou maua le alofa tunoa o Keriso. Mai lena lava taimi sa latou lagonaina le sa'olotoga moni

Pe na taitaiina ea i latou i lea sa'olotoga ina ia ino'ino ai i le Tulafono, poo le usiusita'i i ai?

Sa faagaeetia loane Ueselē, o se tasi na faavaeina le lotu Metotisi i le (1703-1791), ina ua ia faitauina se folasaga a le alii o Luteru i tagata Roma. O lona faatuatua fou na taitaiina atu ai o ia e saili le tuputupu a'e i le alofa tunoa

I le iloaina o ia lava ua faaolaina i le alofa tunoa, e le'i taitaiina atu ai o ia ina ia ino'ino i le Tulafono, ae ina ia suesue atili i ai ma le faaeteete, ina ia ola ai atili i se soifuaga e ogatasi ma le soifuaga o loo finagalo ai Keriso ia te ia.



“O lenei mataupu silisili o loo faatumauina e tagata nei o le Toefuata’ina—o le mea lava e tasi faapei ona faia e le au Ualetenese, o Uikilifi, o Ioane Hasi, o Luteru, o Uigilī, atoa ma i latou o e na au’au-faatasi ma i latou—i le faatinoina o le tulafono o le faatuatua e pulea e Afioga Paia e le’i faamasesēina. Na latou teena le aiā a pope, fono faatonu, Tamā, ma tupu, e pulea ai le lotofuatiaifo i mataupu tau lotu. E pulea i latou e le Tusi Paia, ma e ala i ana aoaoga latou te tofotofoina ai aoaoga uma faapea talitonuga uma. O le faatuatua i le Atua ma Lana afioga na faatumauina ai nei tagata paia a’o tuuina atu o latou ola e saisaitia i laau. “Ia faamafanafanaina,” o le alaga atu lea a le alii o Latimer i ona uso a maturo a’o amata ona fai a’e o latou leo i le mumū o le afi, “tatou te tutuina i le aso nei se moliga’o faapena, e ala i le alofa tunoa o le Atua, i Egelani, ma ou te talitonu o le a le mafaia lava ona tineia.”—Works of Hugh Latimer 1:8”